

Nakon provedenog postupka direktnog sporazuma na način i po postupku predviđenom članom 90. Zakona o javnim nabavkama BiH, zaključuje se

## **U G O V O R**

### **O NABAVCI USLUGA SERVISIRANJA KLIMATIZACIJSKIH UREĐAJA**

Između:

**1. JAVNE USTANOVE „APOTEKE SARAJEVO“**, Sarajevo, Kranjčevićeva br.29, ID broj:4200280090003, PDV broj: 200280090003, koju zastupa generalni direktor Nedim Hrelja mr.ph. MBA (u daljem tekstu Naručilac)

i

**2. CLIMA TRADE d.o.o Sarajevo**, BiH, ID broj: 4200097130004, PDV broj: 200097130004, koju zastupa direktor Senad Gačanović dipl.ing.el. (u daljem tekstu Izvršilac)

#### **I PREDMET UGOVORA**

##### **Član 1.**

Predmet ovog ugovora je nabavka usluga servisiranja klimatizacijskih uređaja u objektima JU „Apoteke Sarajevo“.

Kompletan servis podrazumijeva čišćenje unutrašnje i vanjske jedinice, čišćenje filtera, provjera spojeva, provjera rada sa podešavanjem parametara, provjera rada kompresora, provjera glikola i freona za svu instaliranu opremu.

Izvršilac je dužan naručiocu dostaviti izvještaj o servisiranju svih klimatizacijskih uređaja i njihovom trenutnom stanju i ispravnosti.

Izvršilac se obavezuje uredno i kontinuirano vršiti radove servisiranja klimatizacijskih uređaja u objektima JU „Apoteke Sarajevo“ , u skladu sa zahtjevima Naručioca i ponudom Izvršioca broj: 338 – CT/20 od 23.07.2020. godine, koja je sastavni dio ovog ugovora.

##### **Član 2.**

Vrijednost usluga iz člana 1. ovog ugovora iznosi do 6.000,00 KM bez PDV-a.

Izvršilac se obavezuje da će uredno voditi evidenciju izvršenih usluga, te do 5-og u mjesecu ispostaviti fakturu za usluge izvršene u prethodnom mjesecu.

##### **Član 3.**

Izvršilac garantuje da će:

- obezbijediti ljudske i tehničke resurse za kvalitetno i blagovremeno pružanje usluge, u roku od tri dana od dana narudžbe,
- uredno realizirati ugovor

- za sve usluge i materijale koji nisu obuhvaćeni Ponudom Izvođača broj: 338 – CT/20 od 23.07.2020. godine, Izvođač mora prethodno usaglasiti količine i cijene sa Naručiocem
- prihvatiti eventualne pismene reklamacije na pružene usluge.

Na pružene usluge Izvršilac daje garanciju od 6 (šest) mjeseci a na eventualno ugrađene materijale daje garanciju od 12 (dvanaest) mjeseci od dana izvršene usluge.

#### **Član 4.**

Plaćanje usluga iz člana 1. ovog ugovora vršiti će se u roku od 30 (trideset) dana od dana zaprimanja računa ispostavljenog od strane Izvršioca, pod uslovom da Naručilac na izvedene radove nije imao reklamaciju. Plaćanje će se vršiti na transakcijski račun Izvršioca naznačen na fakturi.

Izvršilac je dužan na fakturi obavezno naznačiti broj ugovora na osnovu kojeg je usluga izvršena.

#### **Član 5.**

Ugovorene strane su saglasne da će se međusobno informisati o svim bitnim elementima koji su od značaja za realizaciju ovog ugovora.

Svaka strana zadržava pravo da u roku od tri dana, računajući od dana učinjene povrede odredbi ovog ugovora, uloži prigovor drugoj strani.

#### **Član 6.**

Pravo prigovora, odnosno reklamacije, naročito se odnosi na slučajeve:

- neblagovremenog izvršenja usluga,
- neblagovremene najave okolnosti koje se tiču realizacije ugovora.
- neblagovremenog izmirenja obaveza, i
- u drugim opravdanim slučajevima.

#### **Član 7.**

Ovaj ugovor se zaključuje na period od 28.07.2020 i biće na snazi sve do i uključujući 31.12.2020. godine ili utroška ugovorenih sredstava za realizaciju ugovora, u iznosu od 6.000,00 KM bez PDV-a.

#### **Član 8.**

Ukoliko u toku trajanja ovog ugovora dođe do bilo kakvih promjena u nazivu ili drugim statusnim promjenama ugovornih strana, tada će sva prava i obaveze ugovorne strane kod koje dođe do takve promjene, preći na njegovog sljedbenika.

**Član 9.**

Za sve što nije predviđeno ovim ugovorom primjenjuju se odredbe Zakona o obligacionim odnosima i drugih pozitivnih propisa.

Sve sporove eventualno proistekle iz ovog ugovora, ugovorne strane rješavati će sporazumno, a ako sporazum ne bude postignut, nadležan je Općinski sud u Sarajevu.

**Član 10.**

Ovaj ugovor je punovažan i proizvodi pravno dejstvo nakon što ga potpišu ugovorne strane . Ugovor je sačinjen u 4 (četiri) istovjetna primjerka, od kojih svaka ugovorna strana zadržava po dva primjerka.

**Član 11.**

Ugovorne strane su saglasne da do raskida ovog ugovora može doći na pismeni zahtjev jedne od ugovornih strana, sa otkaznim rokom od 30 dana.

JU „Apoteke Sarajevo“

Nedim Hrelja mr.ph.MBA

Generalni direktor

CLIMA-TRADE d.o.o.

Senad Gačanović dipl.ing.el.

Direktor

Sarajevo,28.07.2020. godine